

ხელშეკრულება №152/გ
გამარტივებული შესყიდვის შესახებ

ქ. ბათუმი

22 სექტემბერი 2011 წელი

შემსყიდველი: შპს საზღვაო ტექსერვისი“, დირექტორის სოლომონ ჩხაიძის სახით.

მისამართი: ქ. ბათუმი, ნონეშვილის ქ. №63

საკონტაქტო ტელეფონები: 5-27-60

საიდენტიფიკაციო კოდი: 245431206

საბანკო რეკვიზიტები: ს.ს. „საქართველოს ბანკი“-ს ბათუმის ცენტრალური ფილიალი

ბანკის კოდი: BAGAGE22

ანგარიში №: GE10BG0000000875484800

მიმწოდებელი: შპს „ლაშვარდი“, დირექტორის ფრიდონ მგელაძის სახით

მისამართი: ქ. ბათუმი, ლეონიძის 6ა ბ. 21

საკონტაქტო ტელეფონები: 599195541

საიდენტიფიკაციო კოდი: 245619763

საბანკო რეკვიზიტები: ს.ს. „საქართველოს ბანკი“

ბანკის კოდი: BAGAGE22

ანგარიში №: GE37BG0000000131808400

ერთის მხრივ შპს „საზღვაო ტექსერვისი“ (შემდგომში „შემსყიდველი“) ხოლო მეორეს მხრივ შპს „ლაშვარდი“ (შემდგომში „მიმწოდებელი“), საქართველოს კანონის „სახელმწიფო შესყიდვების შესახებ“ ა მე-10¹ მუხლის მე-3 პუნქტის დ) ქვეპუნქტისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვის სააგენტოს თავჯდომარის 2011 წლის 7 აპრილის №9 ბრძანების მე-3 მუხლის მე-2 პუნქტის დ) ქვეპუნქტის საფუძველზე ვდებთ ხელშეკრულებას შემდეგზე:

1. ხელშეკრულების საგანი

1.1. წინამდებარე ხელშეკრულების საფუძველზე „მიმწოდებელი“ თანახმაა მიაწოდოს „შემსყიდველს“ (აშშ-ს მთავრობის ფინანსური მხარდაჭერით გაფორმებული ხელშეკრულებით გათვალისწინებული საქართველოს სანაპირო დაცვის გემების „P-102“-სა და „გრიფი“-ს სარემონტო სამუშაოებთან დაკავშირებით) კლასიფიკატორის კოდით 35111300 (ცეცხლსაქრობები) გათვალისწინებული საქონელი, კერძოდ 4 (ოთხი) ცალი ფხვნილოვანი ცეცხლმაქრის (ОП-6) მიწოდება.

2. ხელშეკრულების შესრულების კონტროლი

2.1. მიწოდებული საქონლის ხელშეკრულებით შეთანხმებულ მოთხოვნებთან და პირობებთან შესაბამისობის დადგენის მიზნით შემსყიდველი განახორციელებს ხელშეკრულების შესრულების ინსპექტირებას. ინსპექტირების ჯგუფის შემადგენლობაში შედიან შემსყიდველის წარმომადგენლები.

3. მხარეთა ვალდებულებები

3.1. მიმწოდებელი ვალდებულია:

ა) უზრუნველყოს ხარისხიანი და შესაბამისად სტანდარტული ნორმების საქონლის მიწოდება;

ბ) საქონლის მიწოდება უზრუნველყოს ხელშეკრულებით გათვალისწინებულ ვადებში.

3.2. შემსყიდველი ვალდებულია - მიმწოდებელს გადაუხადოს ამ ხელშეკრულებით გათვალისწინებული საფასური.

4. საქონლის მიწოდების პირობები.

4.1. მიმწოდებელმა უნდა უზრუნველყოს შესყიდვის ობიექტის მიწოდება ხელშეკრულების გაფორმებიდან 2 (ორი) კალენდარული დღის განმავლობაში, მისივე ხარჯებით;

4.2. მიწოდების ადგილი ქ. ბათუმი.

5. შესყიდვის ობიექტის მიღება-ჩაბარების წესი.

5.1. შესყიდვის ობიექტის მიღება-ჩაბარება განხორციელდება მიწოდებულ საქონელზე ხელშეკრულების ვადის შესაბამისად.

5.2. შესყიდვის ობიექტის (საქონელი) მიღება-ჩაბარება განხორციელდება მხარეებს შორის სათანადო აქტის გაფორმებით, მას შემდეგ რაც დასრულდება საქონლის მიწოდების პირობებით გათვალისწინებული ღონისძიებები.

6. ანგარიშსწორება

6.1. ხელშეკრულებით გათვალისწინებული შესყიდვის ობიექტის მთლიანი ღირებულება შეადგენს 400 (ოთხასი) ლარს.

6.2. ანგარიშსწორება განხორციელდება უნაღდო ანგარიშსწორების ფორმით.

6.3. „მიმწოდებლის“ მიერ „შემსყიდველზე“ მიწოდებული შესყიდვის ობიექტის ღირებულება ანაზღაურებული იქნება მიღება-ჩაბარების აქტის, სასაქონლო ზედნადებისა და საგადასახადო ანგარიშ-ფაქტურის საფუძველზე არაუგვიანეს 10 (ათი) დღის განმავლობაში. რამდენადაც შესყიდვის ობიექტი შესყიდველს ესაჭიროება აშშ-ს მთავრობის დაფინანსებით საქართველოს სანაპირო დაცვის გემების „P-102“-სა და „გრიფი“-სათვის, აღნიშნული სარემონტო სამოშაოების ფარგლებში საქონლის და მომსახურების მოწოდება განთავისუფლებულია დღგ-სგან ჩათვლის უფლებით, „საქართველოს რესპუბლიკის მთავრობასა და აშშ-ს მთავრობას შორის ჰუმანიტარული და ტექნიკური ეკონომიკური დახმარების ხელშეწყობისათვის თანამშრომლობის თაობაზე“ 1992 წლის 31 ივლისის ხელშეკრულების და საქართველოს ფინანსთა სამინისტროს შემოსავლების სამსახურის შესაბამისი ცნობის საფუძველზე.

7. გარანტია

7.1. „მიმწოდებელი“ იძლევა გარანტიას, რომ მიწოდებული საქონელი იქნება ხარისხიანი.

7.2. „მიმწოდებელი“ ვალდებულია წუნდებული საქონლის შესახებ შეტყობინების მიღებიდან დაუყოვნებლივ განახორციელოს დაწუნებული საქონლის ან მისი ნაწილის შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

8. ხელშეკრულებაში ცვლილებების შეტანა

8.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

8.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების ცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

8.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან „შემსყიდველისათვის“ პირობების გაუარესება, დაუშვებელია გარდა საქართველოს სამოქალაქო კოდექსის 398 მუხლით გათვალისწინებული შემთხვევებისა.

8.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. უფლებების გადაცემა

9.1. „მიმწოდებელმა“ „შემსყიდველს“ წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მესამე პირს მოცემული ხელშეკრულებით არსებული თავისი ვალდებულებები.

10. ხელშეკრულების შესრულების შეფერხება

10.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება მიღებული აღნიშნულ გარემოებებთან კავშირებით.

10.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

10.3. შემსყიდველს მომსახურების ღირებულების გადასახადის დაგვიანების შემთხვევაში მიმწოდებლის სასარგებლოდ ეკისრება ვადა გადაცდენილი გადასახადი თანხის 0,1 %, ყოველი გადაცილებული დღისათვის.

10.4. მიმწოდებელს ხელშეკრულებით გათვალისწინებული საქონლის მიწოდების ვადის გადაცდენის შემთხვევაში, ეკისრება ყოველ გადაცილებულ დღეზე მომსახურების ღირებულების 0,1 % საურავის სახით.

10.5. საჯარიმო სანქციების გადახდა მიმწოდებელს არ ანთავისუფლებს ხელშეკრულებით ნაკისრი ვალდებულებების შესრულებისაგან. ამ შემთხვევაში შემსყიდველს უფლება აქვს შეწყვიტოს ხელშეკრულება მთლიანად ან მისი რომელიმე პუნქტი.

11. ხელშეკრულების შეწყვეტა მისი პირობების

შესრულებლობის გამო

11.1. „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, „მიმწოდებლისათვის“ ვალდებულებების შესრულებლობის წერილობითი შეტყობინების შემდეგ.

ა) თუ „მიმწოდებელს“ ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს ხელშეკრულებით გათვალისწინებული მომსახურება, სრული პროგრამა ან მისი ნაწილი.

ბ) თუ „მიმწოდებელს“ არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

11.2. ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

11.3. „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველავს ხელშეკრულებით ნაკისრი ვალდებულებების შესრულებას;

ბ) საქართველოს კანონმდებლობით გათვალისწინებულ სხვა შემთხვევაში.

12. ფორს-მაჟორი

12.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადასაღებად და მათი კონტროლისაგან დამოკიდებულ გარემოებებს, რომლებიც არ არიან დაკავშირებული „შემსყიდველისა“ და ან „მიმწოდებლის“ შეცდომებსა და დაუდევრობასთან.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყონებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13. სადაო საკითხების გადაწყვეტა

13.1. „შემსყიდველმა“ და „მიმწოდებელმა“ ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში „შემსყიდველი“ და „მიმწოდებელი“ ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

14. გამოყენებული სამართალი

14.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. ხელშეკრულების ენა

15.1. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის სრულდება ქართულ ენაზე.

16. შეტყობინება

16.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

16.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

17. ხელშეკრულების მოქმედების ვადა

17.1. ხელშეკრულება ძალაში შედის მხარეთა მიერ ხელმოწერის დღიდან და ძალაშია 2011 წლის 24 სექტემბრის ჩათვლით, ხოლო შეუსრულებელი ვალდებულებების ნაწილში მის სრულ და ჯეროვან შესრულებამდე.

18. გადასახადები და ბაჟები

18.1. მიმწოდებელი პასუხს აგებს საქართველოს კანონმდებლობით დადგენილ გადასახადების, ბეგარის, მოსაკრებლების და სხვა გადასახადების გადახდაზე.

18.2. ხელშეკრულება შესრულებულია და ხელმოწერილია ორ ეგზემპლარად და ინახება ხელშეკრულების მონაწილე მხარეებთან.

შპს „საზღვაო ტექსტურისი“

დირექტორი

ს. ჩხაიძე



შპს „ლაშვარი“

დირექტორი

ფ. მგელაძე

